



UCAPAN DASAR PRESIDEN PAS

DATO' SERI TUAN GURU HAJI ABDUL HADI AWANG



**MUKTAMAR TAHUNAN PAS KE-64
KUALA TERENGGANU, 2018**



A photograph of a man with a white beard and glasses, wearing a white robe and a white turban, standing behind a wooden podium. He is gesturing with his right hand raised. The podium has a circular emblem on it. The background is a large green banner.

**“ISLAM
MEMIMPIN”**

MUQADDIMAH

الحمد لله الذي أكرمنا بنعمة الإسلام، وفضلنا على كثير من الأمم
والصلاوة والسلام على سيدنا محمد، وعلى آله وأصحابه أفضل الصلوات وأزكي التسليمات

Yang Dihormati Tuan Penggerusi Tetap, Yang Berbahagia Sohibul Fadhilah Tuan Guru Dato' Hashim Jasin, Mursyidul 'Am PAS, Yang Amat Berhormat Dato' Bentara Kanan Ustaz Ahmad Yaakob, Timbalan Mursyidul 'Am PAS, Ashab al-Fadhilah Ahli Majlis Syura Ulama, Yang Berhormat Dato' Timbalan Presiden, Naib-Naib Presiden, Dato' Setiausaha Agung, Ketua-Ketua Dewan Ulama, Pemuda, Muslimat, DHPP, Ahli Dewan Harian dan Ahli Jawatankuasa PAS Pusat, Pesuruhjaya-Pesuruhjaya PAS Negeri dan Wilayah Persekutuan, YAB Menteri Besar, YB Ahli Dewan Negara, Ahli Dewan Rakyat dan Ahli Dewan Undangan Negeri, Pengarah dan Jawatankuasa Panitia Muktamar, Pimpinan Tertinggi Parti Gagasan Sejahtera, Para Tetamu dan Dif Kehormat, Wakil Kedutaan Luar, Rakan-rakan NGO, Pengamal Media, Sidang Perwakilan dan Pemerhati yang dikasihi sekalian.

Saya ucapkan 'Ahlan Wa Sahlan Wa Marhaban Bikum', selamat datang dan selamat bermuktamar, kepada semua perwakilan, pemerhati dan tetamu yang menghadiri Muktamar Tahunan PAS 2018 yang kembali bertandang ke Negeri Terengganu Darul Iman

Pantai teluk pesisir indah, tempat lalu perahu payang;

Terengganu digelar Serambi Madinah, tempat lahir ramai pejuang.

Marilah kita bersyukur ke hadrat Allah S.W.T yang telah mengurniakan pertolongan-Nya dalam PRU14, dengan pencapaian mengikut ilmu dan kebijksanaan-Nya, dikurniakan sekadar kemampuan dan kekuatan kita. Walaupun belum mencapai hasrat kita sepenuhnya, namun Allah Maha Penyayang dan bersifat Rahmat kepada yang menegakkan agama-Nya.

Alhamdulillah kita berjaya mempertahankan Kelantan dengan kemenangan lebih besar, memerintah semula negeri Terengganu dengan majoriti dua pertiga, serta menempa kemajuan di Kedah dengan menjadi parti terbanyak kerusinya. PAS juga mencapai kemajuan di Pahang dan menjadi pembangkang yang efektif di beberapa negeri, menjadikan jumlah keseluruhan 90 kerusi DUN. Di peringkat Persekutuan, PAS telah berjaya menghantar sejumlah 18 Ahli Parlimen yang membolehkan kita menyampaikan mesej Islam di peringkat nasional.



TEMA MUKTAMAR “ISLAM MEMIMPIN”

إِنَّمَا وَلِيُّكُمُ اللَّهُ وَرَسُولُهُ وَالَّذِينَ آمَنُوا الَّذِينَ يُقْبِلُونَ
الصَّلَاةَ وَبِيُؤْتُونَ الزَّكَاةَ وَهُمْ رَاكِعُونَ وَمَنْ يَتَوَلَّ اللَّهَ وَرَسُولَهُ
وَالَّذِينَ آمَنُوا فَإِنَّ حِزْبَ اللَّهِ هُمُ الْغَالِبُونَ

“Sesungguhnya penolong kamu hanyalah Allah, dan RasulNya, serta orang-orang yang beriman, yang mendirikan sembahyang, dan menunaikan zakat, sedang mereka rukuk (tunduk menjunjung perintah Allah). Dan sesiapa yang menjadikan Allah dan rasulnya serta orang-orang yang beriman itu penolongnya (maka berjayaalah dia), kerana sesungguhnya golongan (yang berpegang kepada agama) Allah, itulah yang tetap menang.”
(Al-Maidah: 55-56)

Konsep wala'



A. TEMA MUKTAMAR: ISLAM MEMIMPIN

Hadirin - hadirat yang dikasihi,

1. Firman Allah S.W.T:

إِنَّمَا وَلِيُّكُمُ اللَّهُ وَرَسُولُهُ وَالَّذِينَ آمَنُوا أَلَّا يُقْبَلُونَ الصَّلَاةَ وَيُؤْتُونَ الزَّكَةَ وَهُمْ رَاكِعُونَ وَمَنْ يَتَوَلَّ اللَّهَ وَرَسُولَهُ وَالَّذِينَ
آمَنُوا فَإِنَّ حِزْبَ اللَّهِ هُمُ الْغَالِبُونَ

"Sesungguhnya penolong kamu hanyalah Allah, dan RasulNya, serta orang-orang yang beriman, yang mendirikan sembahyang, dan menunaikan zakat, sedang mereka rukuk (tunduk menjunjung perintah Allah). Dan sesiapa yang menjadikan Allah dan rasulnya serta orang-orang yang beriman itu penolongnya (maka berjayaalah dia), kerana sesungguhnya golongan (yang berpegang kepada agama) Allah, itulah yang tetap menang." (Al-Maidah: 55-56)

2. Tema “ISLAM MEMIMPIN” diangkat pada Muktamar Tahunan PAS kali ke-64 bagi menegaskan betapa pentingnya setiap pendukung PAS untuk terus menerajui agenda penyelesaian Islam bagi membentuk suasana politik baharu dan mencorak masa depan negara, melalui pendekatan Budaya Politik Matang dan Sejahtera (BPMS).
3. Kita menyaksikan hari ini kegagalan ideologi ciptaan manusia terhadap masalah negara dan rakyat, sama ada dalam aspek politik, ekonomi dan sosial. Keadaan yang sama turut dialami oleh negara umat Islam yang menumpang dasar selain Islam, kerana terpengaruh dengan negara besar yang pernah menjajahnya.
4. Di sinilah pentingnya umat Islam memiliki pemimpin yang memenuhi sifat kepimpinan Islam, baik dari segi aqidah yang tulen, ilmu yang tinggi dan akhlak terpuji, serta berupaya untuk menjaga keharmonian pelbagai kaum dan agama.

5. Dalam konteks kita di Malaysia, PRU14 telah berlangsung secara aman dan terkawal, serta menyaksikan keputusan yang unik. Apa yang penting kita menghormati keputusan rakyat dan bersama dengan semua pihak untuk membentuk budaya politik baharu dengan penuh hikmah, bagi membetulkan apa yang salah dan menambah baik apa yang betul.
6. Dalam hal ini, PAS terus beristiqamah dengan petunjuk Allah dalam hubungannya dengan semua pihak berpandukan firman-Nya:

وَتَعَاوَنُوا عَلَى الْإِثْمِ وَالْعُدُوانِ
وَلَا تَعَاوَنُوا عَلَى التَّقْوَىٰ

“Bekerjasalah dalam melaksanakan perkara kebaikan dan taqwa, dan janganlah kamu bekerjasama dalam perkara dosa dan bermusuhan”.

(Al-Ma'idah: 2)

B. MUHASABAH PRU14

Sidang Muktamirin sekalian,

7. Muktamar ke-64 pada tahun 2018 ini diadakan pada pertengahan bulan September, di luar kebiasaan Muktamar Tahunan PAS yang biasanya diadakan pada bulan Jun. Penangguhan ini adalah untuk memberi ruang yang seluasnya kepada persiapan dan gerak kerja PRU14 yang berlangsung pada 9 Mei 2018.
8. PAS dan rakan-rakan Gagasan Sejahtera turun ke gelanggang PRU14 di padang yang tidak sama rata berbanding Barisan Nasional yang menguasai segala kelebihan media, jentera dan kewangan (3M), serta bersaing dengan Pakatan Harapan yang menguasai media sosial tanpa batasan akhlak dan moral.

9. Dalam serba kekurangan ini, PAS telah menempa pencapaian yang baik, menyaksikan kerusi DUN PAS bertambah dan jumlah negeri yang dikuasai juga telah bertambah. Sokongan pengundi teras dan pengundi atas pagar kepada PAS juga meningkat kepada 2.04 juta, atau 18% undi popular.
10. Saya berkeyakinan bahawa pencapaian ini akan terus meningkat, dan insyaAllah PAS mempunyai potensi yang lebih cerah dalam PRU15 dengan syarat kita kena buat kerja.
11. PAS telah menjalankan kajian ‘post-mortem’ terhadap pencapaian dalam PRU14, dengan mengambil kira pandangan semua pihak. Semua maklumbalas yang diterima akan diperhalusi oleh Jawatankuasa Post-Mortem, bagi mengemukakan syor dan tindakan dalam perkara berikut:



INFOGRAFIK MUHASABAH PRU14



MENGELAKAN
KELANTAN



MENAWAN
TERENGGANU



HAMPIR
MENAWAN KEDAH



TAMBAH KERUSI
DI PAHANG



INFOGRAFIK

MUHASABAH PRU14

a. ASPEK KELEMAHAN YANG PERLU DIPERBAIKI



Penguasaan Media Sosial



Penyampaian Mesej
Kepada Bukan Islam &
Pengundi Muda



Pendaftaran Pengundi

b. ASPEK POSITIF YANG PERLU DIKEKALKAN & DITINGKATKAN



Penambahan
Ahli & Cawangan



Kesediaan Jentera



Kualiti Calon



Tawaran Manifesto
Yang Boleh Dilaksana

12. Di kesempatan ini, saya ingin merakamkan setinggi penghargaan kepada seluruh jentera dan calon PAS yang bekerja siang dan malam untuk memenangkan PAS dan Gagasan Sejahtera. Juga ucapan terima kasih tidak terhingga kepada para pengundi dan dermawan yang memberikan kepercayaan kepada PAS dan Gagasan Sejahtera dalam PRU14 yang lalu. Semoga semuanya diterima sebagai amal soleh di sisi Allah S.W.T.

C. CABARAN MENDATANG

Sidang Muktamirin yang dihormati,

13. PAS menghadapi cabaran kerana terus beristiqamah untuk menyelamatkan masyarakat dengan Islam, menghadapi penganut Islam yang tenggelam di dalam kejahilan beragama, dan kalangan bukan Islam yang tenggelam dalam kekeliruan dan fitnah ‘Islamofobia’.
14. Masyarakat kini meletakkan masalah diri dan menjadikan isi perutnya sebagai keutamaan (Aulawiyyat). Petunjuk agama dan akal hanya sampingan, kerana cengkaman kejahilan agama, tertumpu keutamaan kepada kepentingan kebendaan seperti kos sara hidup, peluang pekerjaan, dan keselamatan jasad yang berkiblatkan hidup duniawi sahaja.

15. Walaupun PAS berjaya memecah tembok kejahilan dengan penambahan ahli baru di kalangan penganut Islam dan juga kalangan bukan Islam bersama PAS, sehingga ditubuhkan sayap penting iaitu DHPP, namun belum mencukupi. Ini dibuktikan oleh keputusan PRU14, apabila parti sekular dan pragmatik mendapat sokongan majoriti bukan Islam, bersama pengundi baru yang tidak matang dan tidak celik politik Islamnya.

16. Lebih mencabar apabila suara-suara sumbang yang mencabar institusi agama, istana, dan hak bumiputera, serta gerakan yang memperjuangkan fahaman liberal, mazhab yang menyeleweng, dan hubungan sejenis dilihat semakin berani menzahirkan diri dan bebas bergerak tanpa pengawalan.



Masyarakat tenggelam dalam **kejahilan agama & Islamophobia**



Masyarakat jadikan **isi perut sebagai aulawiyat (keutamaan)**



PAS berjaya memecahkan tembok kejahilan
a) penambahan ahli
b) ditubuhkan DHPP

D. MEMIMPIN POLITIK MATANG DAN SEJAHTERA

Sidang Muktamirin yang dihormati,

17. Marilah kita menghayati firman Allah SWT dalam Surah Fussilat ayat 33-36:

وَمَنْ أَحْسَنُ قَوْلًا مِّمَّنْ دَعَا إِلَى اللَّهِ وَعَمِلَ صَالِحًا وَقَالَ إِنَّمَا مِنَ الْمُسْلِمِينَ (٣٣) وَلَا تَسْتَوِي الْحَسَنَةُ وَلَا السَّيِّئَةُ ادْفَعْ بِالَّتِي هِيَ أَحْسَنُ فَإِذَا الَّذِي بَيْنَكَ وَبَيْنَهُ عَدَاوَةٌ كَانَهُ وَلِيٌّ حَمِيمٌ (٣٤) وَمَا يُلْقَاهَا إِلَّا الَّذِينَ صَبَرُوا وَمَا يُلْقَاهَا إِلَّا ذُو حَظٍ عَظِيمٍ (٣٥) وَإِمَّا يَنْزَغُكَ مِنَ الشَّيْطَانِ نَزْغٌ فَاسْتَعِذْ بِاللَّهِ إِنَّهُ هُوَ السَّمِيعُ الْعَلِيمُ (٣٦)

- .18 Allah SWT telah memberi petunjuk kepada umat Islam sejak generasi pertama yang ditugaskan untuk menyelamatkan manusia seramai-ramainya bersama Islam. Di antaranya melalui pendekatan **Ta'awun** (bertolong-menolong) dalam perkara baik dan taqwa (mentaati Allah), serta terus beristiqamah di atas dasar Islam dengan matlamatnya untuk menegakkan Islam.

19. Rasulullah SAW menerima konsep Tahaluf (bekerjasama) dengan pihak lain dalam menentang kezaliman, tanpa meninggalkan prinsip aqidah dan syariat Islam. Tahaluf dibatalkan apabila tidak lagi menghormati perkara asas tersebut, melakukan maksiat atau mencetuskan permusuhan atau mengundang apa sahaja keburukan. Inilah sempadan kita agar tidak hanyut dan larut dalam suasana baharu.

20. Berpandukan ijtihad semasa dalam hal ini, PAS konsisten untuk memilih pendekatan BPMS dengan semua pihak, iaitu dengan:

PENDEKATAN SEMASA PAS MELALUI BUDAYA POLITIK MATANG & SEJAHTERA (BPMS)



i. Bersikap **damai** terhadap **Kerajaan Persekutuan** yang memegang tumpuk pemerintahan negara;

ii. Kesediaan untuk menjalin **kerjasama politik** dengan semua pihak bagi memastikan **Islam memimpin perubahan**.

21. PAS tetap mengambil pendekatan **Politik Damai** dengan semua pihak termasuk musuh dan lawan, kerana inilah caranya untuk meramaikan ahli dan penyokong, serta menjadi rahsia ketahanan PAS yang tidak pernah diharamkan sejak penubuhannya, berbeza dengan pengalaman gerakan Islam di negara lain.
22. Bagi menghadapi senario politik dan masyarakat yang berubah, PAS wajib berijtihad berlandaskan hukum Islam dan menguasai feqah Politik Islam, khususnya Fiqh Muwazanah (pertimbangan), Fiqh Waqi' (setempat), Fiqh Aulawiyat (keutamaan), dan Fiqh Ma'alat (implikasi hukum) bagi memastikan PAS sentiasa berada di atas landasan kebenaran.
23. Di sana pastinya ada keperluan untuk PAS membuat keputusan **Dasar dan Strategi politik yang penting**, memerlukan kepada kebijaksanaan Ahli Majlis Syura Ulama' dan AJK PAS Pusat untuk menentukan sikap dan pendirian PAS dengan penuh hikmah, mengikut mandat dan kepentingan semasa agar tidak tergelincir daripada dasar, prinsip dan matlamat perjuangannya.

E. MEMIMPIN PERUBAHAN NEGARA

Hadirin-Hadirat sekalian,

24. Firman Allah SWT:

الَّذِينَ إِنْ مَكَنَّاهُمْ فِي الْأَرْضِ أَقَامُوا الصَّلَاةَ وَآتَوْا الزَّكَةَ وَأَمْرُوا بِالْمَعْرُوفِ وَنَهَوْا عَنِ الْمُنْكَرِ
وَإِلَهُكُمْ عَاقِبَةُ الْأُمُورِ

“laitu mereka (umat Islam) yang jika Kami berikan mereka kekuasaan memerintah di bumi nescaya mereka mendirikan solat (sembahyang), serta memberi zakat (sumbangan harta atau ekonomi), dan mereka melaksanakan amar maaf (berkebijakan), serta nahi mungkar (melarang daripada melakukan kejahanatan dan perkara yang mungkar). Dan bagi Allah jualah kesudahan segala urusan.”

(Surah Al-Hajj: 41)

25. Ayat ini menunjukkan lima ciri utama dalam pembinaan sebuah negara sejahtera iaitu berkonsepkan ibadah kepada Allah (solat), ekonomi yang adil (zakat), negara berkebajikan (amar maaruf), kehaibatan undang-undang (nahi munkar), serta berwawasan dunia dan akhirat.

Perkenalkan Penyelesaian Islam.

26. PAS telah berjaya menunjukkan secara amali, sebuah kerajaan yang bersih daripada segala salah laku di Kelantan, Terengganu dan Kedah, sewaktu kita memimpin kerajaan negeri tersebut dengan kuasa yang terbatas.

27. Dalam hal ini, Kelantan dan Terengganu perlu menjadi model ‘Negeri Idaman’ sebagai contoh sebuah pentadbiran yang adil dan berkebajikan, dan wajar menjalin kerjasama bagi memanfaatkan sumber dan kelebihan yang ada di negeri masing-masing. Matlamatnya adalah untuk menyerlahkan keadilan Islam secara praktikal.

28. Kita wajib melaksanakan manifesto kita, janji yang berpijak di bumi yang nyata, dengan mendahulukan keutamaan dan kemampuan. Dalam masa yang sama kita perlu membuat persediaan dengan memanfaatkan tenaga pakar dan teknokrat yang ada dalam PAS.
29. PAS berjaya secara bertulis menyediakan Wawasan Induk Negara Sejahtera (WINS), Dokumen Hijau dan cadangan polisi negara yang berkaitan, menunjukkan kita mempunyai kemampuan berfikir secara ilmu dan pengalaman, sebelum berkuasa memerintah.

Penghayatan Konsep Federalisma.

30. Kenyataan YAB Perdana Menteri untuk mengembalikan semula royalti petroleum yang tidak diberi kepada kerajaan Kelantan dan Terengganu, diucapkan terima kasih dan sangat positif kepada usaha untuk menghidupkan semangat Federalisma yang dilemahkan dahulu.
31. Diharapkan banyak lagi ruang yang patut diberi kepada kerajaan negeri khususnya dalam aspek peruntukan pembangunan, kemudahan prasarana dan peluang pelaburan yang seimbang, tanpa mengira perbezaan politik.
32. Kita juga perlu kepada keterbukaan untuk meminda Perlembagaan dan akta-akta peninggalan penjajah dahulu, seperti memperkasakan kedudukan Islam mengikut takrifnya yang sebenar, mengangkat hak bumiputera dan Bahasa Kebangsaan, di samping mengukuhkan sistem tadbir urus dan keadilan sosial dalam negara.

Keadilan Undang-Undang Syariah.

33. Agenda mendaulatkan undang-undang Syariah dalam kerangka demokrasi berperlembagaan akan terus diperjuangkan oleh PAS. Usaha yang bermula dengan pelbagai siri penerangan sejak tahun 1950-an, diikuti dengan penggubalan enakmen berkaitan di Kelantan dan Terengganu pada tahun 1990-an, memakan masa lebih 40 tahun dan pemimpin yang bersilih ganti, membuktikan kesungguhan PAS untuk merealisasikan agenda ini dengan sabar dan berhikmah.
34. Terdahulu, PAS melihat ada ruang yang boleh digunakan untuk mengangkat kuasa Mahkamah Syariah sebagai teras kepada pelaksanaan undang-undang. Maka PAS mengambil usaha untuk membawa rang undang-undang pindaan Akta 355 (RUU 355) di Parlimen sejak 2016. Kini terletak di tangan kerajaan baharu untuk menentukan sikap terhadap RUU tersebut.
35. Di pihak PAS, Kerajaan Kelantan dan Terengganu sentiasa bersedia untuk berbincang dan bekerjasama dengan Kerajaan Persekutuan bagi menjayakan hasrat yang didukung sekalian umat Islam ini, di samping membuka pintu dialog kepada ahli akademik dan NGO untuk lebih memahami agenda besar yang dibawa oleh PAS ini.

Keadilan Ekonomi Islam.

36. Antara ciri terpenting yang menjadi rukun negara sejahtera adalah melaksanakan konsep ekonomi yang adil. Konsep ekonomi Islam yang memberi penekanan halal dan haram, mewajibkan zakat, menggalakkan perkongsian keuntungan, di samping tegas menghapuskan riba’, penipuan dan rasuah semakin diterima dan dianggap sebagai prasyarat ekonomi moden.
37. Konsep zakat menjadi petunjuk dalam aspek percukaian yang diwajibkan ke atas mereka yang mampu sahaja. Tidak menyekat kekayaan seperti ideologi sosialis dan komunis, namun tidak terlalu bebas membolot kekayaan yang menjadi penyakit ideologi liberal kapitalis, sehingga membarahkan skandal pecah amanah dan amalan kronisma seperti 1MDB, PKFZ, PERWAJA, FOREX, BMF dan seumpamanya.
38. Kos sara hidup rakyat yang tidak mampu menghadapi tekanan inflasi, hendaklah ditangani bukan sekadar menukar GST kembali semula kepada SST, umpama menukar tangan kanan dengan tangan kiri untuk mencubit. Usaha perlu diambil untuk mengkaji model percukaian yang lebih adil kepada rakyat, peniaga dan kerajaan, bukannya dengan menggali lubang yang sama, yang telah terbukti gagal sebelum ini.

Pembangunan Insan.

39. Kita sedang mengalami gejala sosial yang menimpa seluruh dunia, menandakan kelemahan sistem pendidikan kerana tidak membangunkan insan mengikut acuan fitrahnya dan kelemahan undang-undang mencegah kemungkaran. Tanggungjawab menangani gejala sosial yang hampir merebak di setiap lorong dan keluarga perlu ditangani dengan pendidikan Rabbani dan Insani, disokong oleh media yang bermoral serta undang-undang yang mendidik bukan sekadar menghukum.

40. Kualiti modal insan yang dibentuk oleh Islam berjaya menundukkan kuasa besar pada zamannya dan mencipta semula tamadun (Hadharah Islamiyyah), tanpa meninggalkan warisan ilmu dunia yang bermanfaat daripada seluruh pelosok dunia Timur dan Barat, dengan menterjemahkan ilmu ke dalam Bahasa Arab yang dirasmikan pada masa itu, tanpa menghapuskan bahasa kaum masing-masing yang menjadi tanda kebesaran Allah.

41. Dalam aspek ini, institusi pendidikan yang dimiliki oleh PAS seperti TASTI, PASTI, SRITI, KUIZM, KUDQI, KIDU serta pelbagai sekolah dan kolej yang dibangunkan oleh pimpinan dan ahli PAS, wajar menjadi model sistem pendidikan yang mengikut acuan Islam sepenuhnya.

Diplomasi Antarabangsa.

42. Di pentas antarabangsa, PAS menyarankan agar kerajaan Malaysia lebih cermat dalam berhadapan dengan perang ekonomi di antara kuasa besar khususnya China dan Amerika, serta bijak mengambil peluang bagi membetulkan tanggapan yang salah terhadap Islam sehingga mencetuskan Islamofobia di negara Barat.

43. Langkah pandang ke Timur yang pernah dilaksanakan dahulu perlu dilakukan pembaharuan terkini, khususnya meletakkan keutamaan kerjasama serantau dari kalangan negara ASEAN, kerjasama negara Islam (OIC) dan negara berkecuali (NAM) terlebih dahulu. Namun, hubungan dengan semua negara tidak diputuskan, mengikut kebijaksanaan agar tidak terikat dan sangat bergantung dengan kuasa besar dunia.

44. Terlebih penting kepada PAS adalah agenda pembebasan bumi Palestin, dan misi mewujudkan perdamaian di wilayah umat Islam yang bergolak seperti di Syria, Yaman, Myanmar, selatan Thailand dan Filipina. Islam memberi penyelesaian dengan mendahulukan damai dan mengambil langkah diplomasi bagi merungkai konflik dari berlarutan.

45. Dalam hal ini, PAS akan terus memperjuangkan isu kemanusiaan yang bertali arus berlaku dalam dunia tanpa sempadan, tanpa mengira fahaman politik, agama dan etnik, di samping meneruskan usaha menghulurkan bantuan kemanusian dan kebajikan di wilayah yang memerlukan, dengan kerjasama pelbagai agensi dan NGO.

46. Mendepani suasana ini memerlukan kesepaduan di kalangan ummat Islam untuk mengharunginya, dan PAS mengingatkan agar kita tidak sesekali membuka peluang kepada campur tangan kuasa luar dalam menangani isu ummah dan serantau ini, yang akan menyebabkan kemudaratian yang lebih besar.

MEMIMPIN PERUBAHAN NEGARA



PERKENALKAN PENYELESAIAN ISLAM

- Kelantan & Terengganu sebagai Negeri Idaman
- Matlamat serlahkan keadilan Islam
- Wajib laksana manifesto
- PAS sediakan WINS, Dokumen Hijau & Cadangan polisi negara

PENGHAYATAN KONSEP FEDERALISMA

- Laksana konsep Federalisme
- Keterbukaan pinda Perlembagaan
 - a) Memperkasa kedudukan Islam
 - b) Angkat hak bumiputra dan bahasa kebangsaan
 - c) Kukuh sistem tadbir urus dan keadilan sosial

KEADILAN UNDANG -UNDANG ISLAM

- Perjuangkan agenda daulatkan undang-undang Syariah dalam kerangka demokrasi
- PAS usaha bawa RUU355
- Kerajaan Kelantan dan Terengganu sedia bekerjasama dan berbincang dengan Kerajaan Persekutuan

KEADILAN EKONOMI ISLAM

- Laksana konsep ekonomi adil
- Konsep Zakat menjadi petunjuk supaya tidak terlalu bebas membolot kekayaan sehingga membarahkan skandal - 1MDB, PKFZ, PERWAJA, FOREX, BMF

PEMBANGUNAN INSAN

- Gejala sosial menandakan kelemahan sistem pendidikan
- Ditangani dengan pendidikan Rabbani dan Insani, disokong media bermoral serta undang-undang yang mendidik
- institusi pendidikan milik PAS wajar menjadi model sistem pendidikan
 - a) TASTI, PASTI, SRITI, KUIZM, KUDQI, DARUL ULUM

DIPLOMASI ANTARABANGSA

- PAS saran kerajaan Malaysia cermat berhadapan perang ekonomi China - Amerika
- Letakkan keutamaan kerjasama serantau
 - a) Kalangan Negara Asean
 - b) Negara Islam (OIC)
 - c) Negara Berkecuali (NAM)
- Dahulukan Damai dan langkah Diplomasi
 - a) Agenda pembebasan Palestin
 - b) Misi Perdamaian Syria, Yaman, Myanmar, Selatan Thai & Filipina
- PAS ingatkan agar tidak membuka ruang kepada campur tangan kuasa luar dalam isu serantau



Perkenalkan
Penyelesaian Islam



Penghayatan
Konsep
Federalisma



Keadilan
Undang-Undang
Syariah



Keadilan
Ekonomi Islam



Pembangunan
Insan



Diplomasi
Antarabangsa

F. MEMIMPIN SOKONGAN RAKYAT

Sidang Muktamirin sekalian,

47. PAS menggalas perjuangan Islam yang besar dan luas, menghadapi kumpulan lain di kalangan umat Islam dan juga bukan Islam. Semua umat manusia dalam masyarakat majmuk adalah saudara yang wajib diselamatkan bersama Islam.

48. PAS mestilah membawa mesej dakwah ke dalam masyarakat Islam secara berkesan untuk menjelaskan kekeliruan yang ditimbulkan, dengan kefahaman Islam yang sebenar.

49. Untuk masyarakat bukan Islam pula, semua jentera parti mestilah mendekati dan memberikan penjelasan supaya rakan-rakan kita memahami mesej yang kita bawa, dan dalam masa yang sama kita juga memahami keperluan rakan-rakan kita. Untuk itu, DHPP adalah jambatan penting menghubungkan kita dalam masyarakat majmuk, dan menjalin hubungan dengan parti komponen Barisan Nasional untuk mendekati rakan-rakan daripada kaum lain.

50. Peranan media rasmi PAS seperti Harakah, Harakahdaily, Hijau FM, dan pelbagai platform media sosial mestilah disokong oleh ahli di semua peringkat. Ini bagi memastikan usaha membentuk fikrah dan menyampaikan maklumat berdasarkan acuan parti dapat disampaikan dengan baik kepada rakyat, selain menjadi contoh dalam menangani budaya fitnah dan kerosakan yang menguasai media di luar sana.

51. Penumpuan khusus untuk mengukuhkan tapak PAS di Sabah dan Sarawak secara intensif perlu dilakukan, terutamanya dalam aspek dakwah yang subur, diikuti pemantapan tarbiyah bagi memperkukuh kefahaman ahli dan persediaan untuk berdepan dengan suasana politik baharu tanpa Barisan Nasional di Borneo, demi menjaga survival kepimpinan Islam.

52. Di samping itu, permasalahan di kalangan rakyat desa dengan tahap pendapatan yang rendah, sama ada petani, peneroka Felda, penoreh getah, nelayan, peniaga kecil, kakitangan sokongan dan seumpamanya mesti terus didekati oleh PAS bagi membawa suara mereka ini, seterusnya mengangkat peranan segmen ini sebagai penyumbang utama ekonomi negara.
53. PAS perlu melipat gandakan usaha untuk membela dan membantu golongan ini, seterusnya menjadi penghubung dengan institusi yang dipertanggungjawabkan seperti FELDA, MARA dan PNB. PAS juga menyarankan agar dibangunkan industri hiliran dan kaedah pemasaran yang dapat membantu meningkatkan tahap ekonomi mereka.
54. Di samping itu, peluang pendidikan, khidmat kesihatan, dan peluang pekerjaan adalah perkara yang perlu diutamakan kepada generasi muda, dan juga rakyat awam yang terjejas di luar sana.



MEMIMPIN SOKONGAN RAKYAT

Lajnah Penerangan & Lajnah Dakwah mesti digerakkan sepenuhnya membawa mesej rakyat



DHPP adalah jambatan menghubungkan dengan masyarakat dan menjalankan hubungan dengan parti komponen



Harakah
daily



Harakah, Harakahdaily dan HijauFM mesti disokong ahli di setiap peringkat.

Perkukuh tapak PAS di Sabah dan Sarawak secara intensif:
- Aspek dakwah
- Pemantapan tarbiyah
- Suasana politik tanpa Barisan Nasional



Permasalahan rakyat berpendapatan rendah mesti didekati PAS (petani, peneroka felda, penoreh getah, nelayan, peniaga kecil, kakitangan sokongan)



Bangun industri hiliran untuk membela nasib rakyat dan menjadi penghubung kepada institusi seperti FELDA, MARA dan PNB

G. TINDAKAN BERSAMA (10 ARAHAN)

55. Pertama, semua pihak dalam PAS Pusat, Dewan-Dewan, Badan Perhubungan PAS Negeri dan PAS Kawasan mestilah mempunyai kefahaman yang jelas terhadap tema "ISLAM MEMIMPIN", seterusnya merangka perancangan melalui pendekatan BPMS di semua peringkat.
56. Kedua, Pentarbiahan pimpinan dan ahli adalah elemen asasi yang perlu diteruskan mengikut marhalah yang telah ditetapkan. Penumpuan wajar diberikan untuk memberi penambahbaikan dalam aspek silibus, kompetensi nuqaba' dan pemantauan, di samping proses pembentukan fikrah di kalangan anak ahli PAS dan pelapis perjuangan.
57. Ketiga, pentadbiran dan pengurusan organisasi di semua peringkat perlu terus diperkemaskan dan diberi nilai tambah, antaranya dalam kempen penambahan ahli, pengurusan sumber manusia, kualiti mesyuarat, serta pengurusan kewangan yang sistematik.

58. Keempat, Dewan Ulama perlu bertindak pantas menjadi jurubicara untuk menjelaskan isu semasa serta proaktif dalam menganjurkan seminar ‘ilmiyah. Ulama perlu menarik seramai mungkin cerdik pandai untuk bersama PAS, di samping keperluan untuk menguasai ilmu moden dan mengembangkan dimensi ilmu yang dikuasai.
59. Kelima, Dewan Muslimat perlu mendepani pelbagai isu masyarakat dan menyentuh hati nurani rakyat. Dewan Muslimat berperanan besar dalam menentukan kuasa politik dan pembinaan kualiti modal insan. Penganjuran aktiviti mesra wanita boleh dijadikan wadah untuk mendekatkan PAS kepada golongan wanita.
60. Keenam, Dewan Pemuda mestilah sentiasa dinamik, melengkapkan diri dengan ilmu Islam, dan bersedia menyambung legasi perjuangan kepimpinan. Pendekatan dakwah yang kreatif, penguasaan media sosial dan aktiviti mesra anak muda mesti dimanfaatkan untuk membawa mesej Islam. Pemuda juga perlu mendepani isu nasional dan antarabangsa, serta mampu mengemukakan solusi terhadap permasalahan rakyat dan anak muda.

61. Ketujuh, DHPP wajar diperkemaskan dengan mempunyai modul-modul latihan khusus kepada ahlinya. DHPP di semua peringkat wajar menjadi jambatan yang menghubungkan PAS dengan parti Politik dan NGO berdasarkan kaum dan agama yang lain, bagi menarik sokongan pengundi bukan Melayu yang boleh berubah dalam PRU15 kelak.
62. Kelapan, pimpinan dan ahli PAS yang memikul tanggungjawab sebagai Ahli Dewan Negara, Ahli Dewan Rakyat, Ahli Dewan Undangan Negeri, Ahli Majlis Kerajaan Tempatan, Anggota Lembaga Pengarah, Ketua Kampung dan Jawatankuasa yang berkaitan perlu melaksanakan amanah dengan sempurna. Semua yang dilantik wajib menunjukkan adab, akhlak dan keilmuan yang tinggi ketika perbahasan dan menghormati penjawat awam, sehingga menjadi contoh ikutan pihak lain.

63. Kesembilan, Kawasan dan Cawangan perlu mempunyai sasaran kerja yang jelas. Program tarbiah dan kepimpinan mestilah menjadi agenda yang penting, di samping mempelbagaikan program kebajikan dan kemasyarakatan untuk menambah ahli dan menarik sokongan rakyat kepada PAS.

64. Kesepuluh, pimpinan dan ahli PAS secara keseluruhannya perlu menjaga hubungan dengan Allah, membina sakhsiah dengan Ta’lim dan Tarbiyah, membekalkan ilmu kepada akalnya secara bertafaqquh, serta menanamkan iman dan akhlak yang mulia kepada rohaninya.


10 TINDAKAN BERSAMA ARAHAN



1. Semua pihak mesti memiliki **kefahaman jelas** terhadap tema - **Islam Memimpin**



2. **Pentarbiyah** pimpinan dan ahli perlu diteruskan. Penumpuan pada **silibus, kompetensi nuqaba dan sistem pemantauan**



3. **Pentadbiran organisasi** diperkemaskan dengan nilai tambah pada - **kempen penambahan ahli, pengurusan sumber manusia, kualiti mesyuarat dan pengurusan kewangan**



4. **Dewan Ulama** perlu menjadi **jurubicara** dalam menjelaskan **isu semasa dan memahamkan masyarakat** berkaitan persoalan **maqasid dan siasah syar'iyyah berpandukan Al-Quran & As-Sunnah**



5. **Dewan Muslimat** perlu **mendepani isu masyarakat** dan **menyentuh hati nurani** atas faktor mereka berperanan besar dalam menentukan kuasa politik dan pembinaan kualiti insan

10 TINDAKAN BERSAMA ARAHAN



6.

Dewan Pemuda mesti memanfaatkan pendekatan **dakwah kreatif, penguasaan media sosial dan penglibatan di lapangan** serta **sentiasa dinamik dan bersedia untuk menyambung legasi kepimpinan** di samping **mendepani isu nasional dan mengemukakan solusi** terhadap isu rakyat



7.

DHPP wajar dibangunkan dengan **modul khusus** kepada ahlinya. **DHPP** menjadi **jambatan penghubung PAS dan parti politik dan NGO** berdasarkan **kaum dan agama**



8.

Pimpinan dan ahli berjawatan ahli dewan negara, ahli dewan rakyat, ahli dewan undangan negeri, ahli majlis kerajaan tempatan, ahli lembaga pengarah, ketua kampung **perlu melaksanakan amanah dengan sempurna**



9.

Kawasan dan Cawangan perlu memiliki **sasaran kerja yang jelas** dan dipantau pimpinan negeri dengan **aktiviti tarbiyah** dan **kepimpinan** menjadi agenda penting



10.

Pimpinan dan ahli **PAS** perlu **menjaga hubungan dengan Allah, membina syakhsiah, berbekalkan ilmu, menanamkan iman dan akhlak mulia** serta **melengkapi diri** dengan Fardhu ain dan Fardhu kifayah

H. AGENDA PEMETAAN PRU15 (ROADMAP PRU15)

65. PAS konsisten memilih pendekatan demokrasi secara berhikmah, melalui uslub ‘muwajahah silmiyyah’ bagi mencapai tujuan penubuhan PAS yang termaktub di dalam Perlembagaan PAS (Fasal 5) iaitu:

i) Memperjuangkan wujudnya di dalam negara ini sebuah masyarakat dan pemerintahan yang terlaksana di dalamnya nilai-nilai hidup Islam dan hukum-hukumnya menuju keredhaan Allah;



ii) Mempertahankan kesucian Islam serta kemerdekaan dan kedaulatan negara.



66. Asas dan matlamat penetapan Roadmap PRU15 adalah jelas, iaitu untuk membolehkan Islam Memimpin Perubahan dan Perpaduan Negara. Keutamaan perlu diberikan kepada aspek penambahan ahli, pemerkasaan organisasi, pembinaan imej dan pembentukan kerjasama. Sistem pilihan raya juga perlu diperbaharui bagi memastikan kepimpinan Islam terjamin, dan hak agama lain terpelihara.

67. Justeru bermula pada hari ini, saya menyeru seluruh organisasi PAS di semua peringkat untuk mengatur persiapan bagi menghadapi Pilihan Raya Umum Ke-15, yang boleh berlangsung lebih awal daripada tempoh lima tahun.

I. PENUTUP

Marilah sama-sama kita perteguhkan jamaah, perkukuhkan saf, perkemaskan fikrah, dan mantapkan keyakinan kita terhadap janji Allah S.W.T. kepada sesiapa yang berjuang di jalan-Nya, sebagaimana yang dinyatakan dalam firman Allah SWT:

أَمْ حَسِبْتُمْ أَنْ تَدْخُلُوا الْجَنَّةَ وَلَمَّا يَعْلَمَ اللَّهُ الَّذِينَ جَاهَدُوا مِنْكُمْ وَيَعْلَمَ الصَّابِرِينَ

"Adakah kamu menyangka bahawa kamu akan masuk syurga padahal belum nyata bagi Allah orang-orang yang berjihad di antara kamu, dan belum nyata orang-orang yang sabar." (Surah Ali-Imran: 142)

Di kesempatan ini, ingin saya merakamkan setinggi penghargaan kepada seluruh saf kepimpinan Majlis Syura Ulama', AJK PAS Pusat dan Dewan-Dewan yang banyak membantu saya mengemudi Jamaah yang kita sayangi ini, dalam suasana penuh ukhuwwah dan kesatuan fikrah yang jitu.

Juga sekalung tahniah dan terima kasih kepada Jawatankuasa Panitia Muktamar, tuan rumah Badan Perhubungan PAS Negeri Terengganu, penaja budiman, para bentara Muktamar dan anggota AMAL, pasukan PDRM dan agensi kerajaan, rakan media serta semua pihak yang menjayakan Muktamar Tahunan PAS kali ke-64 ini. Mudah-mudahan segala amal soleh ni mendapat ganjaran pahala di sisi Allah SWT.

Saya rasmikan Muktamar Tahunan PAS kali ke-64 ini dengan menyebut sabda Rasulullah S.A.W:

سیروا علی برکة الله
الله أكبر! الله أكبر! الله أكبر! والله الحمد

ABDUL HADI AWANG
Presiden PAS